



Uma Laul III

Kolmas kõrd saak võrokeelitsehe laulusalvõ

Olõt oodõt ossa võtma vahtsõst võrokeelitside laulõ võigõlusõst Uma Laul III!

Oodami vahtsit uman keelen ja esi tettiuid laulõ, minka sisse olõt pandnu tükü umast süämeest, miä olõssi kullõjilõ arru saia, kutsussi kullõma ja ütten laulma. Mi ei kirotta ette, minkast laul kõnõlõma piät. Laulu võiva olla nii täämbädse päävä mooduga ku perimüsligu jüväga, hallõlidsõst laulust herksäni, hip-hopist kõrralauluni. Laulõn või olla ütte siät nii vana ku vahtsõnõ (näütüses kõrralaul, miä kõnõlõs täämbädse päävä asjost) jne.

Kutsumi Sinno hindä seest üles löüdmä tundõ, miä pand kõnõlõma nii süäme ku henge. Seo tundõ mano otsi vai tii ka võrokeelidse sõna ja märgi viis ni säe nuu vahtsõs umas laulus. Säantses, midä om tõisilgi hää tulõ veeren üles võtta vai kunagi Umal Pido laulda. Massa-ai pelädä, ku olõ-õi vällä opnu muusik vai mõista-ai tetä koorisäädüngit. Päämäne om, et laululuujal hindäl olõs rõõm asast ja tä hää meelega tuud ka tõisiga jaga. Julgustami ka ummi laulõ esi ette kandma ja tuud parõmb, ku viil pilli saatõl.

- Laulõ perälejoudmisõ tähtaig om 10. mai.
- Osavõtõmisõs saada umast laulust helü-ülesvõtõ ja tekst, võimalusõ kõrral ka nuut (viie ja sõnnoga). Saada naa e-kiräga vai tavapostiga kõrraldajilõ. (Helü-ülesvõtõ piä-äi olõma digiao tipptasõ, a lihtsäle sääne, minkast saat vaivalda arvo).
- Laulu pikkus jäägu kolmõ minodi sisse.
- Üte osavõtõja kotsilõ või olla õnnõ kats laulu.
- Vahtsidõ laulõ ettekandminõ ja pidopidämine 16. mail kell 16.00 Sännä Kultuurimõisan
- NB! Võistlõs laul, mitte ettekandminõ.

Ti loomingut kullõsõ piotäüs uma ala asatundjit muusiga, perimüse ja võro keele ala päält. Uma lemmigu vali ka paiga pääle tulnu rahvas! Lemmiklaulu luujilõ ka mett moka pääle: avvohinnakorvi täütvä Võro instituut, Võro Selts VKKF, Eesti Kirjandusmuusõum ja Eesti Rahvaluulõ Arhiiv. Kõik osavõtõja saava piledi Uma Pido pääkontsõrdilõ 1. juunil Võro Kubija laululava pääl. Valik laulõ kandas ette III Uma Pido pääväprogrammin 1. juunil Võrol keriguplatsi laadalava pääl.

Saada uma looming ildambalt 10. mais kas taistouuslail@gmail.com, tuu esi vai saada postiga: Võro Selts VKKF, Tartu tn 48, 65609 Võru.

Olkõ timavaestanõgi saak suur ja väkev!

Kõrraldus ja muusikaalanõ nõvv: Taisto Uuslail, taistouuslail@gmail.com, tel. 52 87 044
Nõvv ja abi rahvalauluküsümüisin ja võro keele alal: Urmas Kalla, urmas.kalla@mail.ee, tel. 53 603 012

Kae ka: www.umapido.ee